

玉籙資度晚朝儀

法事如式

各禮師 存念如法

請宣神咒

五星高耀

瑞氣飛浮

元始集神

天地交周

玉符寶節

嘯命微幽

擲火揚威

奸凶無留

萬魔振伏

紛葩卻消

摧怪滅惡

道炁周流

神光照夜

陰翳俱收

萬神降格

扇景乘飆

群生咸遂

惠遍神州

和與道合真

鳴法鼓二十四通

無上三天玄元始三炁太上道君

太上老君

召出臣身中三五功曹

左右官使者 左右捧香驛龍騎吏

侍香金童

傳言散花玉女

五帝

直符直日香官 各三十六人出

出者

嚴裝顯服

冠帶垂纓

關啟

玄壇土地 方域神真

臣今晚朝

陞壇行道

謹奏為入意其諸忱悃

已錄告聞

願得

太上十方至真道炁靈寶慧光

下降流入臣等身

中 令臣 所啟之誠

速達徑御

玉籙資度晚朝儀

清微藏書閣

太上無極大道三清上聖

昊天金闕玉皇上帝

東極慈尊青玄上帝

道前

請稱法位

具位臣姓某與臨壇官眾等

謹同誠上啟

虛無自然至真無極大道元始天尊

太上道君

太上老君

高上玉皇上帝

紫微北極大帝

紫微天皇帝

后土皇地祇

東極青華大帝

南極長生大帝

無上玉帝

玉虛上帝

太微天帝
少微天帝
東華南極西靈北真
玄都玉京金闕七寶瓊臺紫微上宮靈寶至真明皇道君
十方已得道大聖眾
至真諸君丈人
大慈大悲救苦真人
救度真人 大惠真人
注生真人 普救真人
香林會中法解真人
三十六部尊經 玄中大法師 三天大法師
靈寶經籍度三師真君
正一嗣系女三師君
三界官屬一切真靈
恭望洪慈 俯垂昭鑒 臣聞無色無淵 祖炁妙凝於混沌 成形
成象 真精煥落於洪濛 因五大以開圖 奠三靈而立極 道遵元始

玉錄資度晚朝儀

清微藏書閣

光明洞輔之中 教演虛皇 化育堪輿之表 無文不度 有感斯通
臣等運際明時 緣逢慶會 膺九清之玉牒 佩三洞之瓊文 結友
雲扃 未符高步 承流塵路 莫悟玄宗 籍師寶之相攜 感帝恩之
下燭 尚寬玄責 猶服真乘 惟金科昭贊於仁風 度人是切 而玉
律扶持於化日 濟物為先 凡有皈投 敢忘關奏 臣欽奉綸音 崇
修玉籙 祇薦某靈 按如詞言 備極昭切 庸潔玄壇而闡事 恭依
玉籙以登齋 奉奎壁於十華 散金花於五界 願垂睿鑒 申衍蕃釐
敕制地祇 有護衛送迎之喜 超凌仙界 得逍遙快樂之天 福利
邦家 恩沾寰宇 以今晚朝 陞壇行道 請法眾等 運茲初捻上香
願此香煙騰空 徑上供養
無上至真道寶
臣等皈身皈神皈命 首體投地 仰依
太上三尊 十方眾聖 願以是香功德 資薦某靈 恭願神遊紫極
汎景玄虛 蔭芝蓋以疑真 密扶聖祚 躡蓮臺而縱步 垂蔭本枝
今故燒香 自皈依
師尊大聖眾 至真之德

得道之後 保天長存 和與道合真

以今晚朝 陞壇行道 請法眾等 運玆二捻上香 願此香煙騰

空 徑上供養

無上至真經寶

臣等皈身皈神皈命 首體投地 仰依

太上三尊 十方眾聖

願以是香功德 資薦某靈 恭願進位仙階 登真妙境 步瑤臺

而遊宴 詣瓊圃以逍遙 福果自然 形神俱妙 蔭宗枝於百世 翊

寶祚於萬年 今故燒香 自皈依

師尊大聖眾 至真之德

得道之後 昇入無形 和與道合真

以今晚朝 陞壇行道 請法眾等 運玆三捻上香 願此香煙騰

空 徑上供養

無上至真師寶

臣等皈身皈神皈命 首體投地 仰依

太上三尊 十方眾聖

玉錄資度晚朝儀

清微藏書閣

願以是香功德 資薦某靈 恭願 慧源昭朗 覺海澄清 浴神

流火之庭雲 網旋躡蔭 質明霞之館 天步高躋 上及太廟宗祧

俱登天位 下及臣等三師五友 異代學真 靈元觀妙 沖漠升真

驂鶴駕於瑤京 充悅道味 翼鸞輿於紫闕 餐聽法音 永證無為

長辭有漏 九幽靈爽 均被甄陶 今故燒香 自皈依

師尊大聖眾 至真之德

得道之後 永保長存 和與道合真

懺悔三禮 同前

具位臣姓某與臨壇官眾等 謹重誠上啟

太上無極大道元始天尊

太上道君

太上老君

無上玄老

十方已得道大聖眾 至真諸君丈人

三十六部尊經 玄中大法師天師君

上相上宰 上保上傳

四司五帝 十二卿相
三界官屬 一切真靈

恭望洪慈 洞垂昭鑒 臣聞 清微布化 敷七部以統天 赤明
開圖 鎮五篇而育物 萬聖授度生之錄 三元啟延景之恩 今古承
休 天人稱慶 是以齋崇玉籙 爰遵蕊笈之科 恩輅青玄 式衛芝
輪之澤 恭願某靈 飛玉津於東井 澄淪心華 揚金彩於南丹 陶
鎔性識 克登神於紫極 永錫佑於皇家 上願天圖朗晏 地紀安平
經緯昭融 風雲靜默 五兵偃戢 萬邦沐仁壽之風 百穀豐盈
四海極聖明之治 圖書煥瑞 文範同疆 林壑棲真 克證六通之妙
煙霞味道 早符萬行之圓 冥漠幽沈 飛潛動植 均被甄陶之澤
瓊 超輪轉之機 一切有情 同登道岸 則上明天尊大慈之化 下
副臣等皈命之誠 謹啟以聞

發願

存神燒香

香官使者 左右龍虎君 侍香諸靈官 當令臣向來晚朝陞壇行道之
所 自然生金液 丹碧芝英 百靈眾真 交會在此 香火鑪前 當

玉籙資度晚期儀

清微藏書閣

願誠意感通 某靈升度 克證天真之果 普資家國之恩 十方仙童
玉女 接待蘭煙 傳臣向來所啟之誠 速達徑御
至真無極大道三清上聖
昊天金闕玉皇上帝
東極慈尊青玄上帝 道前
出堂頌

玉籙資度晚期儀竟

天運壬辰年巳月正一天師清微弟子洪鼎堅羅大英恭錄彙編

蔣科靜複校